

## Unisza jalin kerjasama dengan DUHS

**GONG BADAK** - Universiti Sultan Zainal Abidin (Unisza) melalui Fakulti Perubatan melakar satu lagi kejayaan apabila memeterai Memorandum Persetujuan (MoA) bersama Dow University of Health Science (DUHS), Pakistan.

Timbalan Naib Canselor (Akademik dan Antarabangsa) Unisza, Prof. Dr. Mahadzirah Mohamad berkata, menerusi MoA itu, kedua-dua pihak bersetuju untuk melaksanakan mobiliti program di kalangan pelajar dan pensyarah.

"Dengan adanya MoA ini secara tidak langsung telah membuka peluang perkongsian kepakaran dalam memperkasa kurikulum terutamanya dalam aspek penyelidikan, pembelajaran dan pengajaran, di samping dapat memperkukuhkan jalinan kerjasama kedua-dua pihak.

"Jadi, kita harap peluang ini akan dimanfaatkan dengan sebaiknya bagi meningkatkan lagi keupayaan Unisza terutamanya bagi Fakulti Perubatan ini," katanya yang turut mengetuai delegasi Unisza membuat lawatan ke DUHS.



Mahadzirah (tiga dari kanan) bersama delegasi Unisza dan wakil DUHS.

SINAR HARIAN 4/12/2016